



**ATASSUT**

**UPA14/144-1**

**Gerhardt Petersen**

**01.04.2014**

**Siunnersuut uunga: Atuagaateqarfiit pillugit Inatsisartut inatsisaat nr. XX af XX.XXX 2014-imeersoq.**

(Ilinniartitaanermut, Ilageeqarnermut, Kultureqarnermut Naligiissitaa-nermullu Naalackersuisoq)

Atuagaateqarfiit pillugit Inatsisartut inatsisaata malinnaasuutilerlugu allanngortitaqarfiginissaa pillugu inatsisissatut siunnersuut ATASSUT-mit imaattumik naatsukullammik oqaaseqarfigissavarput:

Siunnersuut manna akuersaarneqarpat apeqqutini atuagaateqarnermut tunngassuteqartuni innuttaasut tamavimmik periarfissaqartinneqarluarlutik periarfissaat pioreersut inatsisitigut ersarissumik nutartikkamillu ullutsinnut malinnaalersussamik sinaakkutaqartinneqalissapput, tamannalu ATASSUT-mit iluarisimaarparput.

Siunnersuutip nutaamik ataatsimut isigalugu qulakkiigassanik tamakkiilersussamik nunarput tamaat pillugu isumannaarissaaq, tassami kommunit maannakkut killiinut aamma naleqqussarneqarpoq.

ATASSUT-mit innuttaasut tamavimmik paasissutissanik pissarsiaritinneqarsinnaasuni assigiimmik periarfissaqartinneqarnissaat ataqquilluinnarparput, tassungalu peqatigitillugu atuereermermi uterteqqusisussaaitaanerup sukateriffiqineqarnissaa paasilluarlugu, tassuunakkummi paasissutissat innuttaasunut tamaginit ingerlaqqiffeqartarnissaat suli qulakkeersimaneqarnerulissammat.

ATASSUT-mit iluarisimaarparput Atuagaateqarfimmiit tunngaviummik suliassaq paasissutissanik annertusiartuinnartumik kikkut tamarmik pissarsisinnaanissaat qulakkiivinnissaa matumani qitiummat aamma, tassuunakkut inatsisitigut qulakkeerinniffiusumik sinaakkutarissaartussamillu Naalackersuisut aqutissiuussiniarmata, taamaattorli siunnersuut sukumiisumik peqqissaartumillu nalilersorneqarsinnaaqullugu Ilinniartitaanermut, Ilageeqarnermut, Kultureqarnermut Naligiissitaa-nermullu Ataatsimiititaliamut siunnersuut aappassaaniigassanngorlugu suliassanngortinneqassasoq inassutigissavarput.